

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Joh. Jonstoni Thaumatographia Naturalis

Jonston, Jan

Amstelodami, 1661

Caput VI

urn:nbn:de:bsz:31-97032

CAPUT V.
DE BISONTE ET
BONASO.

Bison animal est majus bobus, gibbosum, latissima fronte (duo enim vel tres inter cornua considerare possunt) & crispa villis moschum redolentibus ; Caro ei ætate pinguisima, at fetore allii, quo victi-
tat, viciatur. Robur ingens. Nam & equum & sessorem cornibus ventilat. Sanguinem habet, plus quam purpurei coloris, caliditatis tantæ, ut & ferrum venabuli in omnes partes reddat tractabile, & intensissimis etiam frigoribus intra duas putrescat horas. In Sylva Caledonia humanum adeo horrent consortium; ut attræctatos ab homine frutices, aliquot diebus aversentur, & arte capti, moriantur mœrore. *Cambd. in Scotia.* Genus bisontis Bonasum facit *Gesnerus*, de quo scribitur, quod ferventissimum, insequente venatore, rejiciat stercus. Id vero, ut accidat animalibus, cursus facit. Calefiunt eo intestina, flatus ob calorem excitantur, quibus inclusis, violenta per angustiam fit eruptio, locorum præsertim ex motu si compressio accidit; quin & metum exprimere sepiæ atramentum in exemplo. Philippus Rex Macedonum ad pedem Orbeli montis unum jaculo confodit, cornua sedecim palmarum Herculis religioni data.

CAPUT VI.
DE CAMELO.

Camelus multiplicem habet ventrem, vel quia magni est corporis, vel quia spinosa edit & lignea, providit supremus ut concoqueret. Turbida suavis illi est, nec fluvialem gustat pede nisi turbatam; Africi inedia quinquaginta dierum perpeffa, ferotino tempore non attingunt pabulum, sed exoneratos

campus frondibus alit. *Leo Aphric. l. 3.* Vitæ terminum centesimus annus claudit, ætatis insolentia si non contraxerit morbum. *Plin.* Indis ad cursum seruiunt, si Philostrato credimus, nec supra vires est, mille stadium una die conficere iter. At genus illud, quod *Ragnail* apud Afros dicitur, centum passuum absolvit milia, modico victu per octo dies iter perpetuans. Cum matre nunquam illis res. Cum pastor ad oblectam admisisset, detecta adeo exarsit, ut eum obtiverit, se egerit præcipitem, *Arist. in admir.* Dociles esse docuerunt exempla. Si quando inter Æthiopiam & Barbariam solito diutius dici protrahitur iter, parcunt defessis flagro: at certa cantilena in tantum concitantur cursum, ut difficultas sit assequi. Visus Alcairi, ad tympani saltare sonum, miro edoctus modo. Iuvenulus quippe in hypocaustum introducitur, cuius pavimentum, igneum imbibit calorem. Pulsatur præ fortibus tympanum, caloris hic gratia alterum pedem erigit; continuato per annum exercicio ita assuevit, ut publico datus, calidi pavimenti memoria, ad sonum tympani pedes erigat, & saltare videatur. *Leo Aphric.* In terra Gigantum animal est, capite, auriculis, collo Mula, corpore Cameli, cauda Equi. Altitudo illi pedum sex, longitudo quinque, collum Cygneo colore candidissimum. Advectum anno 1558. Middelburgum Zelandiæ, ovis dicebatur Indica, *Allo Camelum* nuncupavit in *Exercitat. Scaliger.*

CAPUT VII.

DE CAPRA.

TRadunt noctu non minus cernere capras, quam die. Ideo caprino jecore, si vescantur nyctalopæ vespertino restituantur visui. Et auribus & naribus respirant, si pastoribus credimus. Philes signum addit, quia naso obstructo nil offenduntur. *Alian.* Avertæ jacent in pascuis Sole in occasum declivi, advertæ aliis horis, & inter cognitiores. Cornu caprinum capi-